



Inatsisartuni ilaasortaq, Jess Svane, Siumut
/Maani

Kiffartuussinissamut isumaqatigiissutit pillugit § 37 naapertorlugu apeqqut nr. 2016-276-imut akissuteqaat

Brevdato: 03-01-2017
Sags nr.: 2016 - 19596
Dok. nr. 15978290

Asasara Jess,

Kiffartuussinissamut isumaqatigiissutit pillugit apeqquteqaatinnut, Inatsisartut suleriaasianni § 37 naapertorlugu nassiuussannut qujanaq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1.

Ilisimaneqarnerluni isumaqatigiissuteqarluni kiffartuussinissamik ingerlatsiviusuni qulimiguulimmik angallassineq silamik peqquteqaannangitsumik aammali teknik-erneramik peqquteqartumik ullorpassuarni kinguaattoortarneq piummat.

Akissut:

Silaannakkut angallassinermi kinguaattoorit silamik teknikkimillu peqquteqarsinnaasarmata, aammalu ilaanni ullut arlerlugit kinguaattoortoqarsinnaasarmat Naalakkersuisut ilisimavaat.

Apeqqut 2.

Angallassisariaqarnermik pisussaaffeqalersimalluni angallassissutaasut aaqqissuuttuartariaqarnerannik pissuteqartumik atuisunut piffissamik aningaasanillu nalilimmik kinguneqartitsiuartarneq Naalakkersuisuniit qanoq nalilerneqarsinnaava?

Akissut:

Piffissamik aningaasanillu annaasaqartarnerit ajuusaarnaraluartumik pissusiupput, amerlanertigut pilersarusiussallugit nakkutigissallugillu ajornartitsinnginneq sinnerlugu inissisimasartut. Sullissisut atortuinut tunngatillugu sullissisoq pisussaavoq atortunik, angallannermi pisariaqartitanut naammassinnissinnaasunik atugassiissalluni. Pisuni immikkut ittuni – soorlu atortut teknikkimut tunngasortaanut tunngatillugu – sullissisup ajornartorsiutit sapinngisamik ilaasunut akornutaannginnerpaamik aaqqinniartussaavai.

Apeqqut 3.

Januaarip aallaqqaataaniit kiffartuussinissamik isumaqatigiissutit nutaat atuutilernissaasa aallartilluarnissaat Naalakkersuisut qulakkeersimavaat?

Akissut:

Ilaasunik angallassinermut piumasaqaatit kissaatillu, suliap ingerlanerani pinngorsimasut naammassiniarlugit Naalakkersuisut sapinngisartik tamakkerlugu sulisimapput. Angallannerup sapinngisamik akornuteqaannginnerpaamik ingerlanissaa anguniarlugu, sullissisut isumaqatigiissutit tunngavigalugit sapinngisamik pitsaanerpaamik suliassamik naammassinninnissaminnut, aammalu sullissisut akornanni pitsaanerpaamik suleqatigiinnissaannut ikuunnissaminnut pisussaaffeqarput.

Apeqquut 4.

**Pisussaaffik naammassineqarsinnaanngitsutut nalilerneqarpat angallassisinnaasunut
allanut isumaqatigiissuteqarsinnaaneq periarfissaqarpa?**

Akissut:

Naalakkersuisut siunnersortit suleqatigalugit sullissisut neqeroorutaannik naliliinerminni
sullissisut ajugaasut sullissinerminni isumaqatigiissutini piumasaqaatinik
sapinngisaminnik naammassinnissinnaanissaat qulakkeersimavaat.

Naalakkersuisut sullissisut ajugaasut pisussaaffimminnik naammassinnissinnaanngitsut
isumaqassallutik tunngavissaqanngillat.

Inussiarnersumik inuulluaqqusillunga

Martha Lund Olsen